

退補齋詩存二編

退補齋詩存二編目錄

卷六

今體詩

和漁叟歲暮書懷十首並抒近況

題蔣定生廣文綠橙花館詩鈔

和王補帆中丞秋闈卽事原韻

病中口占簡鹿仙 春日卽事

漁叟招賞芍藥花賦詩見眎次韻奉和

送郭遠堂大中丞予告回閩

別黃州用東坡初到黃州詩韻

南樓

送穎叔方伯赴都陞見

題潘椒坡大令鄧尉讀書圖

祝彭器之五十初度 陳母俞太宜人八十壽

曹瞞疑冢

退補齋詩存二編卷六

甲戌乙亥

今體詩

永康胡鳳丹月樵

和漁叟歲暮書懷原韻十首並抒近況

征衫纔脫未湔除忙掃瓊塵檢舊書離緒憶攀江上柳  
故交爭款雪中廬一肩行李先春返幾樹寒梅帶月鋤  
黃鶴樓頭尋夙約臥聽街柝五更初

相逢舊雨各言歡宦海茫茫勇退難舞綵卻輸人有母

鄭譜香都轉自山東  
解組終養遇於清江

登場翻笑我初官冰膠積雪津迷

渡輪駛長風水湧瀾萍梗浮沈奢望少歸來差喜室家

完

去臘由京回

杜門細校養生書

時刻沈氏尊生醫書

枯坐焚香意淡如古劍一

囊龍嘯靜郵筒千里雁來疏

謂小宋穎叔諸公

待生春草開荒

徑時聽晨鐘到比閭且喜新年無箇事寒窗松竹伴閒

居

帝眷勳耆許乞歸武昌楊柳綠依依閩中理學千秋重

劫後靈光四海稀捧日孤忠懸不朽登瀛舊侶認全非

等身著作關名教一卷嘐嘐寓刺譏

郭中丞年近古稀好學不倦著有詩

文集若干卷

嘐嘐言一卷

風塵奔走漫言勞壯不如人老敢豪貧喜藏書啜帚享

命慳作嫁悔刀操蒼茫世變經桑海顯赫朋儕擁節旄

謂筱宋玉甫耕  
娛補帆諸公

回首濫竽今九載陳陳倉粟愧虛叨

事業勲名且莫論遺經堂上額猶存

先祖所  
題堂額

傳家敢越

高曾矩矱德難酬顧復恩八烈英靈光伯仲三冬文史

課兒孫短檠牆角休拋棄好檢巾箱五夜溫

浮名浮利念齊刪汀鷺江鷗互往還性本耽吟偏怯酒

身緣善病慣偷閒二三故舊兼方外半百年華占世間

誰識黑貂裘早敝債臺千級峙如山

撫棺一慟發哀歎春草池塘入夢難窗外雨多悲獨聽

簾前雪好與誰看一行雁影雲天遠幾樹荆花景色闌

先壟松楸無恙在送君歸葬路漫漫

將送先兄竹溪靈柩歸葬

擊鉢聲聲火速催佳章未和隔年來茂先博學空餘子

首和者月卿尚書

夢得聯吟有別才

幹臣軍門繼和

侑酒管絃招樂部

近日同人團拜率皆音酌

打窗風雨作詩媒江郎莫是才將盡花管

春遲獨後開

余以應酬紛擾和詩獨遲

富貴浮雲任有無追隨幸接搢紳徒光陰寒暑催人老

嗜好酸醎與俗殊逐鹿不須誇捷足亡羊曾記誤歧途

當今耆宿誰稱最祇有彭鏗是巨儒

題蔣定生

憲儀

廣文綠橙花館詩鈔

花生五色燦毫端俊句名章次第看  
苜蓿一盤風味別詩清不礙廣文寒

盈門桃李豔春風絳帳傳經傍泮宮  
聞說葵陵山色好

更添吟料入詩筒

時官歸  
州學正

探春曾到鳳城西  
琬琰歸來馬不嘶  
從此長安花減色  
好詩嬾向上林題

一代風騷屬選樓  
旗亭畫壁幾名流  
陽春莫怨知音少



早見珊瑚鐵網收

集中江上吟苦菜謠曾採入國朝正雅集

和王補帆

凱泰

中丞秋闈卽事原韻

燕臺分手十三年閩楚相望各一天  
伏櫪駑駘甘退後  
當途騏驥快爭先  
宦游獨愧風塵吏  
結習同耽翰墨緣  
卻羨一輪卿月滿新承

渥澤五雲邊

公任閩撫二年時方入

覲故

云

千金駿骨應圖求知舉人原督八州清  
率同寅霜並肅  
嚴頒令甲水爭流  
風檐不遣初心負  
弊竇曾無一罅留  
料得士林齊額手  
孤寒八百座中收

梅花手種萬千株精舍書聲五夜俱

公於西湖書院新建致用堂以課經

史並植梅  
花於左右

剛日治經柔讀史山中採玉海搜珠儲材可

有蘇同叔績學羣推趙汝愚自古詞林重根柢高懸水  
鏡擢冰壺

妙語飛來選佛場雍容劍佩想趨蹌茂才首舉追西漢  
大筆高吟冠盛唐爲國名臣勤作育匡時餘事擅文  
章匏宣仰答鈞天奏祇媿難登作者堂

### 病中口占簡鹿仙

天氣陰寒病又加春分時節雨絲斜深宵夢鹿迷蕉葉

幽樹藏鶯啞杏花性不耐煩偏覓句出難問世易思家  
奚奴錯解心中事爲我吟詩待煮茶

尺素書來問起居垂簾靜養竟何如參苓價貴終無補  
鬢髮痕斑懶不梳膝下諸兒猶問字門前佳客輒停車  
春來萬物多生意書帶青青上屋除

春日卽事簡白英鹿仙

連日陰雲慘不開快迎朝旭上樓臺檐牙殘滴收紅雨  
屋角新痕上綠苔心病難醫頻攬鏡愁懷未破獨銜杯  
怱怱已是春將半岸柳纔黃傍水隈

虛經五十二春秋荏苒光陰似水流意興何曾因老減  
文章詎必解人求風狂恰好收帆待月滿偏宜與酒謀  
豈是心情異疇昔旅懷振觸不勝愁

簿領餘閒百慮牽強隨節序記流年朋儕異地嗟雲散  
眷屬深宵話月圓故里桃花紅似錦池塘草色碧如煙  
狂奴舊態依然在對酒高歌寶劍篇

靜坐齋頭校魯魚自慚枵腹誚荒疏十年壯志空磨劍  
半世生涯愛買書作宦無聊羈鵠渚思鄉有夢過桐廬  
青青正憶蘇隄柳何日南歸賦遂初

漁叟招賞芍藥花賦詩見眎次韻奉和

光陰又到餞春時  
婪尾畱香賞莫遲  
入座喜添徐孺榻

白英鹿仙皆昔年  
同社中人惟樵野  
新入吟社翻階慚  
襲謝公詩拈花示  
眾功

何普

公定於每月三八日親詣正覺寺山門宣講

聖諭

食字成仙願亦癡

近日編纂

黃鵠山志

見說養園賓客盛  
隔籬呼酒慰相思

送郭遠堂大中丞予告回閩

旌旗五色泛春航  
衣繡榮歸畫錦堂  
一代名臣追潞國

千秋全福繼汾陽  
壓裝璜有籤堆架  
遺後惟畱笏滿牀

祇惜南邦生佛去  
攀轅爭憩召公棠

十年前已乞閒身

聖主求賢重舊臣建節吳山膺

渥眷移旌楚水賁

溫綸經權互用威兼愛休

戚相關國與民獨飲廉泉甘淡泊隱之以後更何人

綺歲聲華日下馳翩翩才藻擅當時芸臺詞翰蘭臺史  
吏部文章工部詩館閣名流推老輩東南髦士重人師  
鰲峯教澤畱千古憶否江都舊講帷

曾經七載沐春風未效涓埃愧寸衷權算虛叨鹽鐵任  
丹鉛謬獎校讐功慈雲廣蔭原無我朗鑒高懸本大公  
願把寸心託楊柳依依送過海門東

別黃州用東坡初到黃州詩韻

日月跳丸爲底忙  
俄看雙鬢似馮唐  
自憐青瑣班曾點  
偶踏黃泥屐亦香  
半夜吹簫思羽客  
三分縱火憶周郎  
歸舟忍別黃州月  
載得秋光入錦囊

南樓

明月照高樓  
元規舊此游  
賓僚足觴詠  
老子自風流  
窗納樊山影  
江吞赤壁秋  
西門數行柳  
懷古益生愁  
此輩宜高閣  
胡床強自攬  
名輪陶太守  
位媿謝征西  
風月空談讌  
湖山浪品題  
石頭塵正滿  
惆悵夜烏啼

穎叔方伯赴都

陛見行有日矣作此誌別時

乙亥臘月大寒日

海舶星飛到武昌燕臺回首鬢蒼蒼文章各領江山氣  
羈旅重開詩酒場謝傅姻親聯故舊向平婚嫁費平章  
四月挈眷由閩抵鄂爲女公子  
完姻十月又與余新締姻事  
驪歌齊送逋仙別驛路  
梅花次第香

恩綸憶昔捧函關小范威名賊膽寒華嶽雲開秋立馬  
灞陵月落夜登壇專封奏事推高適伏節籌兵重曲端  
見說歸裝無長物秦碑漢碣滿長安

同治四五年間任  
陝藩督辦慶陽軍



務專捐  
奏事

珊珊鳴珮去朝天醺酒臨江意惘然柳外旌旗辭楚鄂

馬頭風雪度幽燕子雲舊約期偏爽謂楊雪滄孝廉靈運新吟

社許聯

謂謝枚如舍人

更喜冰清偕玉潤定知追步到花磚江

張稱珊閩縣丁莪池兩孝廉同登  
乙亥賢書隨侍北上皆佳壻也

殊恩深受九重知江上卿雲入觀遲名士官高

仍素履蒼生望重企旌麾重看驥足登場日恰遇椒盤

獻歲時翔步天衢攄策略絲綸閣下盼敷施

題潘椒坡介繁大令鄧尉讀書圖

人生讀書樂萬事不相關況有東西屋而兼大小山梅  
花香隱隱松石水潺潺此味青燈記風流孰可攀

自作京華客魂銷鄧尉梅螢窗拋鄴架駿骨市燕臺學  
古微經術當官想吏才黃門期濟美芳譜好花栽

披圖成獨笑無恙故山居厄運超塵劫殘編賸蠹魚洞

庭波縹緲林屋樹蕭疏可是龍威丈精靈護秘書

同治庚午

椒坡辨武穴釐務不戒於火書畫被  
燬此圖在省畱題一幸事也故及之

我亦同君癖酸醎嗜好偏校讐新管領燈火舊因緣老  
大驚雙鬢蹉跎悔十年芳鄰如許買共檢白雲篇

用彭漁叟原韻祝器之觀察五十初度

颯然一笑對春風

杜牧詩笑向春風初五十

鏡裏鬚眉迥不同半百

新年齊杜老

工部詩平生獨往願憫悵年半百

千秋生日繼坡翁

君與東坡

先生同日生

詩賡華黍猶爲子徑種長松不夢公最羨斜川

開歲始二三鄰曲樂無窮

蘇過小斜川詩引曰淵明詩云開歲倏五十今歲適在辛

丑而余年亦五十

井絡歸來兩袖風書兼米老畫文同

君書畫俱工

升沈宦跡

如潘岳豪縱吟懷似放翁

劍南詩放翁五十猶豪縱

愛我偏爲青眼

客對君卻嫌黑頭公鶴書早晚天邊降多少蒼生盼撥

窮

陳母俞太宜人八十壽

寶婺照門楣萱堂慶介眉子稱天下士母是女中師回  
首茹荼日傷心授荻時咄嗟供客饌截斷髮絲絲  
白髮姑嫜老青燈紡織忙承歡謀菽水忍淚咽糟糠塊  
肉嗟遺趙齊眉痛失梁一門婚嫁畢典盡篋中裳  
歷徧冰霜苦團成錦繡春年躋無量壽天眷未亡人瓜  
瓞綿三代楊枝灑四隣白蓮花正放菩薩證前身  
翟第邀宸寵松筠慕女貞籌銜千載鶴羹獻五侯

鯖北海嘉賓酒南陔孝子笙延暉萊綵舞綽楔荷

恩榮

曹瞞疑冢

讀宋俞德瑞詩蓋謂七十二疑塚掘盡必有一  
冢可得也余謂阿瞞之奸早已慮到真冢斷不  
在此也故及之

奸雄用智啟人疑誰識生欺死更欺曹冢纍纍七十二  
終無一冢是真屍

退補齋詩存二編目錄

卷七

今體詩

請假南歸別潘偉如方伯

丁丑五月時將歸田口占截句十八首簡同人  
仲秋月自楚南歸道中誌感得詩四十二首

退補齋詩存二編卷七

丁丑

今體詩

永康胡鳳丹月樵

請假南歸別潘偉如

霽

方伯

醫人有術久聞名妙手春來徧地生十八年前風鶴警

燕臺回首不勝情

咸豐十年京師戒嚴公隨恭邸於天甯寺余與翁中丞綜辦外城辦事處

知名已久

閩南治績頌棠陰欣看江城福曜臨  
棧樸菁莪歸樂育

養花都是愛才心

公官閩藩告病歸今春北上簡授楚藩蒞任後顧園丁數人蒔花種菜以

娛公暇

素心花對素心人臭味相同悟夙因自古英雄多本色

鉛華淨洗露天眞

余將東歸小園有素心蘭建蘭珠蘭各本奉贈

浮沈宦海愧樗材檢點行裝莫浪猜二十三年離梓里  
故山猿鶴盼歸來

丁丑五月時將歸田口占截句十八首簡鄂中同

人並索和章

自搔霜鬢愧無成碌碌庸才世所輕二十年前先定數

天綱示我晦居貞

咸豐戊午袁荀陔侍郎精於五星爲余推算云丁戌兩年刑傷錯出宜晦

居貞  
爲吉



素志難償念已灰廬山真面溯從來而今不作陸中客  
自署頭銜老秀才

門庭彪炳 紫泥封 鳳諧龍章錫 九重四世

光榮皆一品銜環莫報 帝恩醲

生存華屋變山邱苦憶干戈擾攘秋常棣有華開七葉

幾枝彫謝幾枝畱

余兄弟七人大兄官安徽署含山太湖尉卒於鄂六弟七弟同治元年殉

粵匪之難

不惜微軀爲 國捐一門忠義儘堪憐黃泉銜感蒙

旌表八烈坊祠萬世傳

余胞弟鳳岡鳳韶嫡弟鳳鳴鳳離鳳恩及弟婦盧氏王氏

姪宗壽先後殉難同治七年蒙浙撫李  
奏請於朝奉 旨建八烈專坊專祠

煌煌義塾曰培文代出羣英採藻芹四十二年猶繼繼

先人遺澤誦清芬道光十五年先大夫捐助義田貳百畝爲合邑縣府院試歲科生童卷資

並建培文書院爲義學每遇荒旱經費不敷余爲之籌補至今勿替

在山泉水本來清涇渭分流著眼明自古名場同弈局

輸贏何敢向人爭

服官京外廿三年敢謂賢勞我獨先財力半爲朋舊耗

問誰知者祇蒼天

皖江爪迹記泥鴻結社聯吟臭味同同治乙丑有皖江同聲集之刻回

憶舊游雲散盡人生命運判窮通

時同社者皖藩香山何公今官閩浙總督

朱久香學使吳竹莊方伯李恕皆陳心泉兩廉訪皆歸道山惟李季荃觀察優游林下今予亦東歸矣

權務勞勞六載餘刊成釐則作官書

丙寅夏微委楚省釐務詳定釐則刊

成一帙頒行各局

不嫌駑鈍兼鉛槧盡日埋頭較魯魚

綜理書局十一

載刊成書籍二百三十七種

新編舊帙付雕鐫屈指於今已廿年退補齋中書萬卷

金華先哲盡流傳

咸豐戊午家鄉板籍被燬余覓金華遺書前刻成編者六十二種

半生學業本荒蕪搜索柔腸筆底枯讀古文詞偏涉獵

吟壇何敢濫吹竽

生平好詩文偶作成帙張月卿彭漁帆林穎叔張鹿仙孫棐西果田諸公

選存文稿十六

卷詩稿二十卷

愛書愛畫愛碑帖結習平生何太多此是終身一大病  
閒尋藥石治心魔

宋朝處士孤山鶴漢代高人嚴瀨魚我慕清風修小志

可無芳躅步幽居

輯嚴瀨志十六卷孤山志十二卷成編待刻

閒吟陶集愛歸田溷跡紅塵已卅年從此結廬人境外

故山猿鶴伴安眠

余自乙卯供職兵曹至今二十三載去秋纂成桃花源志二十四卷

草木欣欣徧地栽不分雨露與風雷歲星一紀憐虛度

權攝糧儲八月來

余自同治丙寅來鄂至今一十二載

何嫌萬戶與千門  
隨地關防立腳根  
仕宦從來身外物  
頻年食德敢忘恩

一抹江樓夕照微  
新知舊雨各依依  
羣公努力勤王事  
莫逐閒雲野鶴飛

仲秋月自楚南歸道中誌感得詩四十二首

解組輕辭黃鶴樓  
布帆高挂漢江頭  
那知連夕東風起  
欲緊歸程不自由

二十四年京外居  
蕭然行李意何如  
沿途難免關津笑  
一舸閒花兩舸書

我駕江舟風力微君乘輪船去如飛南旋也有同心侶

不羨君歸我亦歸六月十五日余先請假渡江寓洋樓避暑一月七月望日買舟東下鹿仙

卸糧道篆亦於七月十四日來漢由輪船赴滬回籍

勞碌生涯鬢已霜清風明月伴歸裝五兒七女婚還嫁

此願向平償未償五兒已娶兩婦七女已嫁其四

半生鄂渚半燕都兒女來前屢問途生長異鄉渾不識

家山何處是西湖

昔年結伴到黃州今我南歸獨泊舟二賦堂前懷往事

何時星聚話重游乙亥秋偕張月卿尚書林穎叔方伯同游赤壁分韻賦詩今月翁有豫章

之行穎叔已赴晉  
藩之任思之黯然

誰說士元百里才飛蝗過境不爲災豈僅絃歌徵雅化

蘇家喬梓本通材

蘄州晤封少霞刺史言及飛蝗幸無災傷少霞癸丑通籍後由內閣出爲

刺史今令嗣又登丁丑甲科年纔弱冠未易量也

楚江十日抵潯陽兩岸蘆花滿目蒼傍晚夕停舟天未暝

船頭竹纜繫垂楊

廿四日抵九江晤沈品蓮觀察

我自石鐘山下過誰知檠戟耀巖阿如公威福聲先奪

萬里長江水不波

湖口晤雪琴宮保導游石鐘山曲院亭臺各臻其妙真勝境也宮保云倘

遲二日卽啟節南行談讌半日始各別去

故人與我忽相逢醉飲琴堂道味醲

晤湖口縣殷韓甫大令又晤釐局王

少嚴太守均舊雨也

薄暮歸舟難忍別宵深臥聽上方鐘

舟泊西門城外

夜半聞山上鐘聲發人深省

苔岑海內漸彫零舊雨猶逢李與丁歲月蹉跎人已老

相看白髮各星星

廿五日抵皖訪李季荃廉訪孫穀庭太守均不遇幸晤李萼樓丁田生兩

觀察

衝風冒險抵蕪城多少江豚拜浪行回首蠓蟻波未靜

宵來猶覺夢魂驚

廿七日江風大作眷屬心驚申酉間安抵蕪湖如獲神祐

英雄果是陳同甫今日蕪城作寓公問我歸心何太急



欲言未盡別恩恩

別陳午峯觀察今八年矣公因總辦皖北釐局今獲再晤

乘流日遇打頭風舟泊秣陵西塞東

泊水西門外

未到蘇家

尋軾轡棣華相映日華紅

八月初三日至金陵謁琴西方伯及弟渠田學士小住兩

日恩恩

東下

二分明月影迢迢一葉舟過廿四橋爲憶西州頻灑淚

孤兒弱女益魂銷

十一日赴揚州抵黃宅虎卿歸道山至今四載謁見太姻母年已八十有

五寡妾二兒女四零丁

孤苦不覺淚潸潸下也

沿途乞鉢豈無門幸有人間友誼存珠玉本非吾所好

祇留書畫與兒孫

服玩珠玉在鄂變賣以償宿逋舟中川資竭贖皖省穀庭太守自下琴西

方伯維揚崇如都轉仁山  
觀察或贈或借得以長行

撫鄂如公實福星四年待我更忘形揚州忽聽仙騎鶴

涕淚無端似雨零

十一日抵揚州聞王帥謝世之信回憶六月十四日赴院稟辭殷殷勸慰

詎料相別兩月竟成永訣也哀哉

誰將偉績繼歐蘇興復名區費遠圖匪獨平山增壯麗

黃金徧地湧浮屠

十五日偕阮田仲游平山堂聯額碑揭子箴居多倡修之力也至揚城外

天甯寺潤州金山焦山兩禪林均被賊燬子箴官兩淮運司拾金倡修復勸捐於鹽商厥功甚偉

浮玉山中憶昔游妙高臺下泛浮鷗輕帆斬落齊河口

斜對金山樓外樓

癸酉北上由金山搜尋勝蹟無一存者今有維揚之行復不果往屬其安

兒女輩渡江遊之

一舸乘風到上方焦巖峙立水中央主持全仗芥公力

正覺宏開選佛場

十九日挈妻攜子同游焦山晤退院芥航上人及新方丈雪航開士坐談

在事新開念佛場於定慧寺中是當今正法眼藏也不勝欽佩

三詔坊畱萬古名熾舟漫作看山行私心欲託焦光隱

始覺無官身外輕

坐又室與芥航久談不及徧游茲山以待異日

隔斷長江一葦杭丹徒處處水雲鄉暮霞明滅深林裏

陣陣歸鴉噪夕陽

十九日進丹徒口舟泊橋畔

滄桑世變劇堪憐不到毗陵廿四年散步城中尋雪爪

空餘蔓草與荒煙

廿一日抵常州訪盛旭人觀察至蘇不遇松雲彥願需次鄂中未得一晤

索然而返

傍晚行舟城外停年年矢願訪天甯東西十里如千里

笑我無緣讀佛經

常州天甯寺在城東余舟泊城西相去十里許奈停舟已晚竟不果行

錫山山下小金山臺閣玲瓏水一灣欲訪惠泉尋勝蹟

夕陽明滅有無間

廿二日至無錫擬游惠泉山因日暮不果往

蒲帆暫卸泊胥門故友高文得細論太息紅巾烽火惡

一坏焦土虎邱存

廿三日抵蘇州泊胥門外昭薛世香廣訪汪幹臣觀察劉泖生太守次日

翠峯同游虎邱今非昔比矣

鄂江移節撫吳中重接輕裘緩帶風雨篋獻非書幘本

表章先達賴明公

廿四日進城謁吳中丞檢送金華叢書六十二種備承獎飾

鄂渚棲遲一載餘望衡對宇接萍居自君入晉屏藩後

何事秦中有謗書

抵蘇始閱邸抄類叔爲西征餉事望誤宦海風波曷勝浩歎

萬頃田邊萬頃橋

同治十一年水利工程局新修

紅蓮稻子綠桑苗今

年秋熟吳江好隴上黃雲滿擔挑

輿梁沿路喜新修吳下民無病涉憂虹臥龍眠鋪淨練

一條玉帶水中浮

離蘇郡十里有寶帶橋水利工程局重建計五十三洞

東走長江一月餘白蘋紅蓼漸蕭疏荆妻最愛江南好

到處句畱欲卜居

卷屬爰江南山水欲卜居於吳江震澤之間

平望當年古要津東西瓦屋密鱗鱗裏河水比外河好

徑寸魚兒白似銀

廿六日抵平望住宿湖中銀魚最美出產甚多

朝來解纜暮停舟挈眷南歸自楚遊莫向綠陰深處泊

楊絲縷縷易牽愁

近接餘杭兩日程沿河徧聽故鄉聲湖中煙雨樓何處

蘚碧苔青無限情

廿七日抵嘉興住宿煙雨樓被燬至今未修

滿船雙槳載鷓鴣尚有官租未納時捕得肥魚難自飽

爲人作嫁問誰知

嘉禾一帶水綠於油清冷可愛有鱖鷓鴣者攜來滿船憐其捕魚之勤

在水中不能自食一魚可慨也

最好丹楓烏桕枝秋深色色擅離奇滿山紅樹爭煊染

勝似花開二月時

廿八日舟泊朱家橋

儼似將軍戈甲持腸無韜畧最堪嗤一燈小斲紛投處

看爾橫行得幾時

嘉興河中蟹肥而美漁人設簍捕之每晚所得無數

輕舟緩渡夕陽微暫泊河干客燕歸回憶故人餐苜蓿

珍羞遠遜菜根肥

廿九日舟泊石門憶甲戌歲徐鑑堂廣文署石門訓導今歸已三年矣

輕雲似錦雨如煙舟子齊呼暫泊船兩岸黃蘆花撲地

西風報道九秋天

三十日抵塘棲鎮住宿

無官笑比有官忙  
昕夕翻書細校量  
我慕孤山林處士

梅花猶帶月昏黃

舟中無事編纂孤山志錄成副本

自慚良友少  
追陪頓起蒹鱸秋  
思催楚尾吳頭  
千里隔

夢中常見故人來

游楚十二年漁帆月卿器之若農諸公無日不晤殊覺依依

歸舟緩緩泛中流  
高束篷帆遇石尤  
逆境人偏風亦逆

而今風順到杭州

自七月十五日開帆東北風幾及四旬之久至吳江到杭順風四日



退補齋詩存二編目錄

卷八

今體詩

十月自杭回永康沿途雜感詩四十首

瀧中畫眉

退補齋詩存二編卷八

丁丑

今體詩

永康胡鳳丹月樵

十月自杭回永康沿途雜感詩四十首

隻鶴飛還望劫灰江光塔影自潒洄凌雲獻賦何人在

忍上浮圖七級來

初四日舟泊六和塔下回憶道光庚戌重修六和塔謁經精舍小課以此

命題余與周伯蓀張少南游寶塔畢各作一賦以誌盛事

妙畫何須麗色施富春一角秀偏奇清江平似鵝溪絹

倒映圖疑黃大癡

初五日辰刻抵富春

不信寒潮朝暮來桐山終古峙江隈仙翁採藥歸何處

勝有荒祠綴碧苔

舟過桐廬  
因風未泊

層嵐古木疊松杉日薄西山夕照銜秋色滿江畱不住

沿隄紅樹送歸帆

初六晚過  
七里龍

纔出瀧中塔露尖

出烏石灘見  
嚴州寶塔

一輪明月影纖纖州名

錯爲先生改莊姓明明不姓嚴

初六夜三  
更抵嚴州

輕舟暫泊大洋灘舊雨浮雲淚

暗彈道光己酉同肄業  
敷文書院者大洋

童樾香上舍朱史雲明經均歿於兵  
燹惟方琴苔大令尚在甘肅從戎也

二十九年成一夢

淒涼往事益心酸

桐子灘前暫泊船波光雲影共澄鮮夕陽未下鴉歸早

黃葉村前起暮煙

初八日抵桐子灘離蘭谿三十里

蘭江楚水杳飛鴻地隔三千路未通爲憶荊州增悵惘

曇華忍見落英紅

御埠童見琴孝廉章蘆汀茂才道光己酉閒同肄業萬松書院今歸道山

久矣

亭臺畫舫豔如花點綴朱家接柳家

蘭谿亭臺畫舫約數百艘自朱家至

柳家碼頭止咸豐初余北上時猶盛兵燹後無一存者今北門下設卡抽釐笳鼓之聲可慨也都被紅

羊收拾盡笙歌聲忽變哀笳

徽國於今七百年流風善政溯薪傳貽謀不墜箕裘業

祇飲蘭江一勺泉

初九日晤朱性之明府宰蘭谿丕振士風培養元氣凡閭閻開荒等事歸

局中紳士辦理有與士民  
同休息之意遠近德之

萬安橋畔接歸航先換江帆返故鄉

根石世伯年七十有三官都察院副

憲請假回籍省墓重陽後晤於杭州萬安橋下抵蘭匆匆晤別

爭羨是翁真豐饒歸然

一代魯靈光

著書立說自成家實學端推陳白沙詎料修文天上久

難忘講學在金華

同治甲子余奉諱歸里晤陳子丙廣文於金華縣學嗣補蘭谿今過蘭已

歸道山矣

學問羣推柳柳州當時小阮亦名流誰知先後厭塵世

同赴蓬萊會上游

蘭邑柳湘秋孝廉與姪欽甫二十年前舊雨也抵蘭訪問久已仙逝

樓高八詠清風在水到雙溪帶月流城郭四圍依舊是

故人零落半存畱

十一日至金華黃質夫太守施北林農部久已謝世果堂觀察綬珊大令

官閩中芷春廣文官龍泉惟南屏衡山在郡耳

此來不見程夫子講學休嗟老一瓊記否吾家安定叟

當年道脈共薪傳

芷春廣文赴龍泉學之任不見者已十四年

道統端推朱紫陽淵源家學接芬芳誰知強仕歸蓬島

祇牘楹書滿架香

朱子欽駕部歿於江甯督署幕中文章學問傑出一時士論惜之

金華擬訪黃文獻越水偏勞負土烏獨把芙蓉望天末

秋心誰與證今吾

黃南屏司馬丁內艱扶柩赴越安葬未回

赤松山下過徐公  
態度依然太古風  
爲問故鄉當日事

深宵燭炮半窗紅

遇徐衡山坐談夜半而別

善政羣欽趙文子  
一輪愛日旭寒冬  
我歸已在部民列

獻曝輸誠亦願從

十三日晤趙朗甫太守由翰林京察出守吾郡振興文教先修麗正書院

次助公車帑項勸勵士民孜孜不倦

鄴侯賢嗣望戕戕  
教養生民各飲和  
可惜牛刀容小試

武城比戶聽絃歌

李漪橋大令宰金華首邑洞恤民瘼遠近德之

高挂蒲帆歸故鄉  
斜風細雨溼輕航  
十年不覺雙溪改

莫怪仙翁見海桑

十月廿五日由郡回里永武兩水向至金華入詠門一曲今直抵水門下

蘭江  
次

沿江烏柏樹偏紅曲港灣環山澗通三百里途天一色

溪河有水不流東

縉雲永康武義三邑之水自東倒流歸入雙溪得成郡治

野碓臨河水自舂香秔猶帶稻花濃農人告我秋收好

萬戶倉箱慶素封

廿四日至橫店

蕭森修竹亞疏籬三兩人家傍水湄忽覺暗香風外度

梅花漏洩小春時

午刻至柳菱

乘風一舸到焦巖密密蒼松短短杉綠水青山依舊在

峯巒迴抱出塵凡

焦巖在金華界上



白羊山水澄清久別家鄉無限情底事寒飈催太緊

滿山松籟似潮聲

白羊山武義祖龍山

江頭兩兩泛飛鳧隄畔斜行曳繹夫一路青山看未了

武城城外湧浮圖

武義城外有寶塔近在河干

不到家山十五年黃蕤灘畔聽流泉沙高水急舟難駛

船底聲過石罅邊

黃蕤灘水淺沙高是武義來龍過脈之處

夕陽東下到金牛古蹟還將勝地畱一路灘高行緩緩

順風喜看布帆收

金牛洞在武義縣十餘里

輕舟容與泛桐槩潏水如聞絲竹音一劫空如廣陵散

高山不獨子期心

桐栒永武交界殷戶最多自兵燹後存者寥寥可慨也

嶺上梅花報小春濛濛細雨渡前津輕舟傍晚停溪口

風帽烟筇訪故人

廿六日晚抵溪口訪徐鑑堂廣文

桃花洞畔快停橈纔渡長橋又短橋到此離家三十里

卸舟登陸待明朝

廿六日抵永康縣城

廿年不坐此籃輿遠勝長安薄笨車試門高牙諸肉食

起居八座果何如

自邑城乘輿回里

五十七村燕翼貽龍山山下結叢祠歸來恰值冬蒸日

千載馨香是一時

龍山總祠在望春門內同宗者五十七村余歸初次瞻謁曷勝欽仰

瀧岡有碣表新阡

去年冬開先大夫卜葬於汪村今冬月二日始獲掃墓

四錫

龍章下

九天

余官兵曹請封一次出爲府道請封三次

何幸先人崇

祀後榮封一品黃泉

同治三年先大夫雅堂公崇祀鄉賢光緒元年由湖北督糧道

加五級恭遇

誥贈光祿大夫

覃恩

桃花溪畔卜牛眠瞻望松楸涕淚漣恨我楚游廬墓遠

春暉寸草綠年年

今謂先太夫人施氏墓在本宅牛眠山

昔時親友漸彫零後秀英英眼欲青器識當先文藝後

十年莫負讀書燈

回家子姪來見者或游泮水或登園橋心甚欣慰

門庭依舊換迴廊抵得家鄉似異鄉下學兒童都不識

依稀如問賀知章

事無鉅細必身親  
胸次難清萬斛塵  
願學張公書百忍  
平矜釋躁可容人

妻孥尚寄武林居  
忽忽還家一月餘  
囑咐家僮勤灑掃  
明春再返舊門廬

瀧中畫眉

灘高水淺好風迎  
解組歸來身更輕  
我老嬾妝時世豔  
兩山偏聽畫眉聲

清音婉轉帶風微  
不觸張羅自在飛  
瀧外那如瀧裏好

養來羽翼傲朱衣

畫眉毛羽多灰色惟出  
籠中者皆赤色最貴

退補齋詩存二編目錄

卷九

今體詩

和松生臘雪原韻奉酬

丁丑除夕前二日吳筠軒觀察贈詩索和

歲暮感懷三疊前韻簡筠軒敏齋松生諸公

和筠叟除夕感懷詩四疊前韻

再和筠叟人日賦雪詩五疊前韻

筠叟來書欲聯吟社六疊前韻奉答

元宵前二日雨後初晴七疊前韻簡筠叟

秦澹如觀察人日招飲遇雪作此誌謝

元宵前一日敏齋約同人集憩鶯花館賦謝

戊寅詣龍井謁上伯祖佑順侯墓

退補齋詩存二編卷九

丁丑戊寅

今體詩

永康胡鳳丹月樵

和松生臘雪原韻奉酬

連日陰寒天又雪農家無日不占晴空嗟麥隴犁泥溼  
忍聽茅檐碎瓦聲夢鹿無蕉愁度歲隙駒有影過浮生  
而今謝卻風塵吏不署頭銜分外清

丁丑除夕前二日吳筠軒

兆麟

觀察贈詩索和依

韻奉答

錦繡頒來燦綺櫳毫端揮灑興無窮清風爭慕吳廷尉



詩律高於沈侍中故土荒涼三徑杳宦情冷淡兩心同  
耄年好學誰能似吐出文光萬丈虹

歲暮感懷三疊前韻簡筠軒敏齋松生諸公

兀坐寒廬閉石櫺歲闌敢歎道終窮廿年宦況風霜裏

萬卷生涯梨棗中

自同治初年退補齋刊成各書一百二十餘種崇文局刊成二百三十七

種漢上題襟耆舊少

楚社同人陳心泉何白英唐薇階均歸道山祇留彭漁叟在省鹿仙

與余亦東歸矣蘇堤聯袂故人同冥冥陰晦寒威逼何日晴天

散彩虹

堂堂白日度房櫳逝水年華歲月窮早絕雄心歸牖下

忽來惡耗自湘中

昨接湘中三女哥逝世之信肅然心傷

人生修短原難

定晚境悲歡迥不同無限傷心兒女事安能萬里駕長虹

雪霽風號月隱櫳人窮漫說是詩窮時逢殘臘新春際  
家在六橋三竺中得酒澆愁懷阮籍無題遣興學文同  
滿身荆棘皆叢集如對暮山假蹇虹

和筠叟除夕感懷詩四疊前韻

彩霞爲壁雲爲櫳今夕上清樂未窮爆竹聲聞六合外  
觚棱夢繞九霄中遙憐榆塞風霜苦

聞王師克庫車等處

近憶茅

檐憂患同

今冬雨雪  
幾經兩月

且緩祭詩傾柏酒堂前華燭燄如

虹

再和筠叟人日賦雪詩五疊前韻

雪花片片上巖櫳咳唾珠璣思不窮氣味何期鍼芥合

琳琅如在玉山中難忘老輩宗風振敢說古人詩格同

來翰以高常侍岑嘉  
州見許益覺悚惶

差喜雷門容布鼓愧無綵筆篆明

虹

筠叟來書欲聯吟社並贈以詩六疊前韻奉答

陽春白雪賁雕櫳誰謂吾徒道已窮瓦缶鼎鐘難比附

雷霆冰雪總時中  
驛堦領袖靈光在  
漢上題襟道味同  
倦鳥歸來懶飛舞  
何來飲金跨長虹

戊寅元宵前二日雨後初晴七疊前韻簡筠叟

三竿紅日照房櫳  
久雨新晴喜不窮  
寒熱何關時候變  
升沈都付笑言中  
春燈豔豔情偏淡  
華髮星星老與同  
獻曝有心隨野老  
休言慷慨氣干虹

秦澹如

細業

觀察人日招飲遇雪作此誌謝

今日是人日  
相將閱歲華  
一天飛柳絮  
孤嶼冷梅花  
白髮同催鶴  
紅牋笑寫鴉  
天公休玉戲  
集澤正咨嗟

作客他鄉久親朋少舊知湖山獨無恙猿鶴笑歸遲祝  
健頻看鏡消愁且醉卮青春欲如願未賣去年癡

忝附羣公末相招不速來屐聲衝雪去寒夜擁裘回欲  
學袁安臥誰憐杜甫才草堂詩漫寄懷抱鬱難開

相逢雖恨晚握手喜今朝勦業東西浙簪纓前後朝公

上祖宋時秦觀官杭州通判元時秦從德官浙江行省  
參知政事明時秦禾官金華府知府國朝道光間公  
之父小峴先生官浙江按察使今公又爲浙江觀察使文章光日月道義薄雲霄

莫報殷勤意抽毫學頌椒

戊寅元宵前一日敝齋方伯約同人集憩鶯花館

醉歸賦此誌謝

老輩風流在追隨杖履行瓊花討名勝

敏齋新宅舊稱瓊花陪宋時御

園也洛社半耆英

同席者李蘭舟吳筠軒二公皆七旬外

人與余均五十七八矣

人少百年樂天開一日晴

十三十五兩日皆雨雪攜

柑快欣賞小憩聽流鶯

上春新甲子折簡值芳辰

是日甲子遇晴

富貴神仙宅山林隱

逸人一樽欣此日百感話前因隱聽飢鴻語遑教論劫

塵

筠丈言昔日浣園故事時余在都中目見益覺慨然近則晉鄭大飢幾輔無雪殊切杞憂

目耕園得主心賞客同來

宅爲趙松谷主事日耕園之舊

疊石容招隱

栽花是愛才讀思倚秋

仙登恍集春臺

園中古楓高十丈凌秋紅葉爲

一城之冠楓樹之左有兩臺高六七丈

更見游鱗樂水匳一鏡開

錦里遙相望柴扉隔一村

永康舊居望衡對宇

卽今偕隱地又接

厲賢門

余近寓貢院之東離敏齋宅僅里許

玉立森庭樹金輝拜壽護

夫

人今年八旬晉六康健如昔敏齋得子甚遲五十後已得四子

家庭有真樂富貴不須

論

憶自申江別於今十五年山河同日月魚鳥判天淵皓

首煙霞侶青樽翰墨緣翻嫌歸太晚朽木費雕鐫

佳節恩恩去元宵許預文地爐寒士煖

余畏風寒主人設席於地爐之

室

天籟雅人知

座中江小雲方伯善詞曲

卿夢縈禪榻春燈笑髻絲

深情何以報握管獻巴詞

戊寅詣龍井謁上伯祖佑順侯墓

正月十七日從兄纘三

祖繩

約亮軒

夢庚

恆山

鎮朔

覲宸

逢年

鳴和

鳳鏘

懷芬

蘭馨

月垣

炳星

來杭寓居敝廬因雨阻小任旬日二十七日同

往龍井埽墓賦此誌感

往歲宗祠祀事修

去冬歸里始與祭龍山總祠

新年追報又杭州虎

林敢繼石塘寓

遠祖石塘公元時寓居虎林山今龍井之祖山寺前也與丹新寓不甚遠



非關山水游時越百年疎麥飯客先三載訪松楸

張叔珊丈

偕家植生於丙子秋先訪得墓地所落

從來興廢皆天意千里何期合不

謀

依山越澗度封篁擷藻牽蘋禮墓堂豈僅孫曾供俎豆

更欣賓從拜冠裳

應敏齋丁松生二公同往與祭

雨鳩聲止新天霽風

馬神來特地翔

送神之際天風忽來

位業真靈參不昧始知公亦

戀餘杭

橋危石豁券臺欹豎扑封崇又一時竹柏蕭森逃浩劫

梓桑恭敬表新碑

敏齋修墓後新勒碑石

我我文正題銘筆惓惓

清明展墓詩

宋范文正公作誌銘元黃文獻公於清  
明日約同鄉四十餘人兩次謁墓有詩漫

說方巖多顯應南山祠廟尚餘基

宋時方圓庵在墓前  
遺址尚存敏齋松生

擬募資

復舊

彌勒同龕畫象連兩開士伴五先賢

蘇長公趙清獻胡  
佑順侯蘇穎濱秦

淮海爲五賢參寥  
辨才爲二開士

欲修故事西山下追溯清風南渡前

武林舊事云  
廟在墓前

一木安能支廣厦千金何幸出廉泉

重修  
方圓

庵秦澹如都轉  
允捐千金爲倡

從茲墓祭年年集更結千秋香火緣

退補齋詩存二編目錄

卷十

今體詩

江郎三片石

偕梁壽人上仙霞嶺謁關帝廟

五楓嶺

端陽日小住浦城

壽人約游夢筆山不果

過水吉

五鼠灘

黯淡灘

阿彌陀灘

九蛇灘

閩游將歸別何筱宋尚書四首

時將回浙筱帥畱宿署中再賦感謝四首

閩游回浙別閩撫勒少仲中丞暨陳雋丞葉善堂

孫師竹翁蘭畦奎樂峯張煥堂諸公

讀紅粟山莊詩鈔贈朱櫻船大令

詠古泉拓本贈張鼎臣少尉

詠荔枝

別金華諸同鄉並示彥兒

題香山黃芭香茂才秋琴館詩鈔

題黃芑香秋琴圖

懷張韻梅明府

懷高茶庵司馬

次丁穀丞七夕原韻

和張鼎臣送行原韻

七月二十一日乘海珊輪船回滬

馬尾船政署中晤蔡履防農部

和梁逸軒孝廉見贈詩原韻

和平湖張仲仙徵君哭弟詩次韻奉唁

退補齋詩存二編卷十

庚辰

今體詩

永康胡鳳丹月樵

江郎三片石

在江山縣境內地名江郎村有石三片高百餘丈如木板矗立八九十里

外望之如山朝夕雲霧蒙頂無路可尋峻險已極

不辨江郎漢與秦何時分壁洩天真昂頭一望高千尺  
幾見登峯造極人

風高露重不勝寒三石巍我信壯觀遠看如山近是石  
巖巖高插白雲端

偕梁壽人

傳年

上仙霞嶺謁關帝廟

南閩分土宇東浙鎮雄關  
叢篠青緣砌松楸綠滿山  
層嵐森似戟片石亦多頑  
共仰神威赫虔誠謁聖顏

五楓嶺

山行多犖确跋涉已云勞  
地比之江曲天同蜀棧高  
肩輿飛似烏荷擔快於猱  
古木懸崖長經秋葉不凋

端陽日小住浦城晤劉鏡堂

維鈞

作此話別並簡

壽人

十日來南浦相將一葦杭  
駒光如逝水梅雨又端陽

四月

起連日大雨

照眼榴花發當頭艾葉香  
每逢佳節好異地倍

思鄉

一見真如故情深易感人奔馳勞地主言語露天眞千

里浮蹤寄三生夙世因歌驪何忍別後會約明春

次兒服官

福州擬明春送眷來閩

壽人約遊夢筆山不果

未上東門道先看夢筆山夕陽相掩映流水聽潺湲  
壞花如錦深林竹不斑文通長往矣勝蹟在人間

過水吉

琴劍飄然赴福州風吹浪急水東流雙橈離岸如飛馬



一葉衝波似泛鷗江曲每隨巖石轉樹高猶挾水雲浮  
行人祇道巖灘險到處山溪穩放舟

五鼠灘

五鼠灘前水四圍狂風急雨浪花飛平生空負跳梁技  
日日呼羣齧石磯

黯淡灘

離延平府十餘里建河七十二灘中第一險灘也

黯淡灘前黯淡雲雲容晴雨兩難分誰知中有天心在  
忠信波濤說與君

黯淡灘前黯淡風風聲鬱怒水聲中舟人到此神無色

危坐吾師明道公

黯淡灘前黯淡煙迷離煙雨浩無邊人生涉險須安命  
咫尺安危且聽天

阿彌陀灘

風聲烈烈水潺潺累石依然筆架山求佛臨時都抱腳  
何如早破利名關

九蛇灘

灣環曲港下延平愁向九蛇灘上行何幸山中連夜雨  
輕舟斜渡水無聲

此灘離延平二十里水淺難行忽遇大雨水漲數尺亦幸事也

閩遊月餘將歸東浙別何筱宋尚書

久辭黃鵠月猶憶白門煙作客各千里分襟將十年交  
情同骨肉時事感滄田海國重相見三生有夙緣

意氣雲天薄情同管鮑交南州容下榻北渚暫離巢

三年

夏請措資假  
自楚回籍

往事深宵訴芻言雅量包天涯隨俯仰得

句費推敲

卅年知己少寥落似晨星鼎古分眞贗流長識渭涇我

今懷莫白公獨眼垂青自顧山林老勤披耒耜經

咸豐  
初年

都中締交將

三十年矣

舐犢非偏愛惟公善育才次兒宗彥散樗甘棄置小草  
冀滋培未選三山勝先將兩浙回秋風歸思起何日賦  
重來

時將回浙筱帥畱宿署中再賦感謝

國事兼家事艱難萃一身依然儒素味誰識長官貧月  
朗如懸鑑風清不染塵自忘年漸老鉅細必躬親

四朝舊詞翰十載老封疆俗靡嚴鋤莠己卯冬湯溪土

飛稟於公蒙批嚴拿匪類盡絕根株云云年飢急發棠丁卯戊寅閩省水荒

派員赴滬採辦米價漸平是年金衢嚴三郡蛟水成災  
公撥米萬石移咨浙撫振恤窮黎嗣因水退給發四千

金民賴  
以安  
疏陳唐陸贄策畫漢張良閩越人何幸恩施那  
敢忘

海月蠻煙地三年善措施適當公牘暇展誦故人詩舊

雨幾多在

公任皖藩時同社者七人朱久香吳竹莊李恕皆陳心泉諸公均歸道山存者惟公與李

荃及丹耳今讀皖江同聲集能不泣然

停雲將遠離兩山旗鼓壯游賞負

佳期

城外有旗鼓二山爲游人所欣賞今將回浙未獲一游

西廨三間住平原十日歡衰頹無一用鉛槧敢辭難擬

公刻令祖二思齋詩鈔尊翁餘甘軒詩鈔囑丹校對攜浙付梓畧分眞知己言情不論

官追隨何忍別目極海天寬

閩遊月餘時將回浙作此話別上勒少仲中丞陳  
雋丞方伯葉善堂廉訪孫師竹翁蘭畦奎樂峯  
張煥堂謝玉田方銘山家旭齋諸觀察

未識河流急乘舟下浦城水平猶受激山僻不知名莫  
羨危灘過先防窄路行梢工雖不惡財重一身輕

船鐵梢工之  
稱洵不誣也

福州有紙

初來閩嶠地莫辨語音吮本是雄藩國相傳理學邦乘  
與山勢陡赴峽水聲淙未慣波濤險雄心已早降  
自愧材樗櫟聞雞漫著鞭廟廊恩敢負山水願隨緣金

石流年錄

輯金華金石錄尚未成書

方輿次第編

新輯名山小志十種已刻者八種

手鈔盈篋笥半已付雕鐫

行年將六十孤負好光陰事業空如夢塵氛積滿襟庸才難問世吾黨幾知音搔首青天問言愁不自禁

舊雨兼新雨何期道味投言情先畧分同氣許相求意緒焚於爾浮生泛似鷗年華如逝水桐葉報初秋

棲遲纔匝月握別輒依依海水深千尺榕陰廣百圍獅

樓雲漢迥

獅子樓在南大街

雉堞土花肥

閩省城垣翠固濃陰茂美

愧乏文

通賦魂銷五虎磯

在馬尾停泊輪船之所

讀紅粟山莊詩鈔贈朱櫻船

寶善

大令

江南泰州人

紫陽傳舊業百世是人師俊逸蘇同叔清新杜牧之二

分明月影一卷古文辭仕爲家貧計清風自主持

一代風騷客文章筆有神前生畱慧業吾黨幾傳人妙

技得三絕

工山水

無官輕一身

因人罣誤尚未開復

廬山眞面在猿

鶴不吾嘖

詠古泉拓本贈張鼎臣

國楨

少尉

漢制垂圓法三銖勝五銖豈徒昏智者神鬼亦揶揄  
莫辨泉刀重斑斕五色紋鯨鯢盈紙上富貴等浮雲



英雄何氣短爲少孔方兄惟有守財虜累累積滿簾  
青榆千萬箇滿地疊濃陰明月清風客何勞費此心

詠荔枝

荔枝三百屬東坡綠葉千章簇錦柯我啖東坡十分一  
清香消受尚嫌多

氣備四時澤似春年年海國出奇珍涪州誤說泉州貢  
不獻君王獻美人

豔比枇杷樹上黃枝枝葉葉鬬芬芳人間無此色香味  
疑是仙宮泛玉漿

櫻桃細核誇殊色龍眼濃陰共本根誰識狀元紅更好

千年碩果尚畱存

荔枝一名狀元紅色香最美省垣西街禪寺有古荔枝二株宋時物也

濃陰萬樹徧山坳實結纍纍未拆苞何處名園誇上品

梢頭高挂綠荷包

閩荔一名綠荷包風味較狀元紅更勝

瓊漿色比晶球白丹壳勝於瑪瑙紅妃子無端拚一笑  
鞭絲萬里逐香風

### 別金華諸同鄉並示彥兒

久別章文懿今來歸道山

果堂觀察去年逝世

謀能貽燕翼位已

列鵷班各具英雄概能兼意態閒

謂子芳茂生昆仲

廿年棠蔭

渥遺愛在人間

果翁官泉州興化十餘年署興泉永暨糧道篆數載

海嶠重相見居然白髮人官清能造福儒素敢嫌貧未

審虧由已終思惠及民

綬珊三署州縣不名一錢今清交代尚負重累

可憐肩

重累何日賦鱸莼

箕裘畱舊業早渡孝廉船

惺甫姻兄文名遠播今黻卿登賢書後官福建同知爲上

游器

手握江淹筆心驚祖述鞭蘭交懷舊侶亭誼喜新

聯小壻季閑爲黻卿堂弟

熟讀瀛寰志聲稱海外傳

今爲通商局提調

宦海茫茫裏銷磨不計春初聞衙鼓奏漸與簿書親舊

雨勤相同清風莫染塵青年須努力事勿怨勞辛

示次兒宗

彥

羈旅來千里蹉跎歲月過蠻鄉人俗悍海國颶風多地  
迴天徧熱潮平水不波我歸秋思起河畔聽驪歌

題香山黃芭香

紹昌

茂才秋琴館詩鈔

叔度初相識何期翰墨緣等身多著作落紙卽雲煙素

抱冰壺澈精心鐵硯穿隔牆高士榻名利兩情蠲

幕府同居

一牆之隔

音義注三國

近著三國志音義

駢儷宗六朝

駢文一册仿六朝體

作詩餘

事耳得句譜鈞韶但願琴揮手

工琴韻

難因米折腰雷門

容布鼓何以報瓊瑤

題黃芑香秋琴圖

誰是知音者秋高韻更清澄懷今叔夜逸趣古淵明鶴  
唳本天籟鴻飛移我情焦桐曾入聽勿用雜秦箏  
綠樹陰深處開簾彈五絃高山流水外夜月曉風前海  
上身堪隱樽中酒是仙披圖寄遙託餘韻總悠然

懷張韻梅

景祁

明府賦此卻寄

自是真名士瑯嬛憶茂先胸襟原落落腹笥本便便偉  
業重文苑通材出木天

山翰林改選武平知縣今署仙遊縣

牛刀容小試

海國聽歌絃

無緣慳一面傳信託飛鴻  
黍雨懷邵伯棠陰憩召公  
掄才非百里顧曲奏三終  
何日萍踪合聯牀訴積衷

懷高茶庵

望曾

司馬賦此代柬

我懷高季迪千里忽言旋

茶庵辦泉州深瀝蘆局知余抵閩請假回省

談笑

同疇昔鬚眉異曩年宦情冷於水韻事筆如椽莫作不

平語髯蘇鑒在前

茶庵需次閩中不得志發於詩歌故及之

長材輕權政所好在文辭落紙如風雨勞心裕度支消  
愁棋一局遣興酒千卮愧乏瓊瑤贈相逢又遠離

和丁穀丞

志璧

七夕詩因時自感卽次元韻

銀河耿耿影迢迢問客來遊萬里遙  
我與雙星同有約一年一會是今宵

歲月蹉跎年復年誰憐故我總依然  
紅顏倏忽成蒼髮天上何如行地仙

呼羣結隊赴瀛寰有鵲填橋得未閒  
莫向明河天上去牽牛織女在人間

一卷白石是支機今夜月明星又稀  
游子有家歸未得菱荷萬柄製秋衣

白日堂堂駒隙過生涯鉛槧半消磨人間巧自年年乞  
不信人間巧更多

此夕年年去復來冰心皎潔淨無埃人生多被聰明誤  
要識如愚獨與回

姻緣莫作等閒看笑我青瑣一片寒蘭誼更兼葦誼好  
雛兒有命照紅鸞

此次來閩七夕日爲五兒聘張煥堂觀察之女姻緣前定洵不誣也

老大年華易白頭天猶未雨預綢繆自來蓮幕多修善

方寸須存羊易牛

穀丞督署刑幕故云然

和張鼎臣送行詩仍次元韻



同居一室日相親異地知心無比倫

余初抵閩同寓通商總局

水樣

交偏能耐爾酒中仙許自稱臣十間作客緣非偶三絕

如君筆有神

詩書畫均工又精鐵筆

爲事萱堂求祿養衙官屈宋

是前身

讀書有癖早喧傳爭奈家貧負重肩八口相依空華寶

一泓雖減是廉泉

檄辦通商局每月薪水十六兩自五月減去其半一家八口度日維艱

當思抱璞成精寶莫誤哦松度綺年匪我私情代籌畫

湘江駭客亦垂憐

六月患病無力延醫余贈以十緡翁蘭畦觀察知之亦贈十番病始痊可

七月二十一日乘海珊輪船回滬方銘山

勳盛恆

山世豐遠送馬尾賦別誌謝

一輪海舶導前遊繫纜如同不繫舟

由南臺派小輪船拖坐船至馬尾

送客情深來馬尾慚余日長屬龍頭

三人同譜既勞王

事通殊域

銘山恆山均辦閩省通商總局

自有機宜佐善謀

近年差長近因中俄

海防握手河梁何所贈羣公努力紓

君憂

馬尾船政署中晤蔡履防

農部

廣東人

不見蔡忠定於今將十年燕臺雲暫聚

癸酉赴都晤面

閩海月

重圓

昨由粵東來聞

夙抱三生約欣逢一面緣依依何忍別尊

酒悵離筵

和梁逸軒

俊年

孝廉見贈詩次韻奉答

詩學羣欽杜牧之  
清新俊逸寫襟期  
門前桃李濃陰渥  
培植年年人未知

羣經諸子一肩馱  
繼晷焚膏午夜哦  
綺歲孝廉船早渡  
文章星宿滿胸羅

俗客難清萬斛塵  
好遊山水益勞神  
海邦底事稱鄒魯  
理學淵源出十閩

身入班門不敢呼  
繩趨矩步鮮良圖  
商量舊業荒蕪久  
老馬遑云尚識途

和平湖張仲仙

毓達

徵君見眎哭弟詩次韻奉唁

千里關河多急湍此來不覺海天寬

由閩省乘輪舟回南

人亡子

敬琴俱杳弟是季方兄更難閩嶠傳書秋月冷當湖繫

纜水風寒廿年知已眞寥寂稀似晨星我獨單

六月在閩聞鹿

仙訃信今由滬上道出平湖停舟徂弔